

Պարոյր Սուրադեան

Անիի քարայրերի ուսումնասիրութեանը նուիրուած մենագրութեան հեղինակ Դաւիթ Ղիփշիճէն իր համարակալած ժայռափոր կառոյցների թիւը հասցնում է 500-ի դրանցից «չուրջ 30-ը» անուանելով եկեղեցի¹: Գրքի նիւթերը մշակող ու ծանօթագրող ճարտարապետութեան պատմաբան Նիկողայ Տոկարսկին կառոյցների ընդհանուր թիւը փաստօրէն կրկնապատկում է, իսկ քարայրերի մէջ եկեղեցիներինը՝ 30-ի փոխարէն հաշուում 35²: Անդրադառնալով պաշտամունքային տեղի ծառայող քարայրերի տեղաբաշխմանը՝ Դ. Ղիփշիճէն անհրաժեշտ է նկատել արձանագրել, թէ «Ուշագրաւ է, որ ոչ մի քիչ թէ շատ մեկուսի [բնակելի] հատուած, յատկապէս քաղաքից հեռու [գտնուող], առանց եկեղեցու չի մնում. այս կարգից դուրս մնացող երկու բացառութիւն կայ՝ Ծաղկոցաձորի Կ հատուածը եւ Ախուրեանի ձորը, ուր չկայ ոչ մի եկեղեցի, ինչը երկու դէպքում էլ, յատկապէս երկրորդում, բացատրուում է, ակնհայտ է, ակերուածութեան բարձր աստիճանով, եկեղեցիները կարող էին անհետ կործանուել, ինչպէս եւ միւս քարայրերը: Քանի որ իւրաքանչիւր շրջանի հասնում է գոնէ մէկ եկեղեցի, իսկ երբեմն էլ 2-3, ճշմարտանման է ենթադրել, թէ նրանք ծխական եկեղեցիներ են»³:

Ն. Տոկարսկու կազմած «Անիի քարայրերի քանակի համադրական աղիւսակից» կարելի է տեղեկանալ, թէ յիշեալ եկեղեցիներից քանիսը ո՞ր ձորում են գտնուում եւ ըստ այնմ ծանօթանալ Դ. Ղիփշիճէի հանգամանալի նկարագրութեանը: Քաղաքին հիւսիս-արեւմուտքից յարող Իգաձորում (resp. Այգեձորում), որ հիւսիս-արեւելքից ձգուում է դէպի հարաւ-արեւմուտք եւ Պա-

րոնի պալատի մօտ միախառնուում Ծաղկոցաձորի հետ, ճանաչուել ու նկարագրուել է երկու եկեղեցի (երկուսն էլ՝ կիրճի աջ լանջին)՝ A/1 եւ A/2 համարակալումով⁴: Նրանցից առաջինը, ըստ հետազօտողի, ծրագրուած է հիմքում խաչաձեւ, սակայն «բաւարար հանգամանալիութեամբ չի կատարուած»: Ընդ որում, կողային թեւերին եղած մեծաչափ երկու փորուածքները (2,00x 0,98մ, 1,95x0,72մ) Դ. Ղիփշիճէն դիտարկել է իբրեւ կնուքի աւազաններ⁵, մինչդեռ այդպիսիք Ն. Տոկարսկին համարում է դամբարան, հետեւաբար, ըստ այդմ, Իգաձորի եկեղեցիներ կամ մկրտարաններ կոչուածները պիտի վերանուանել դամբարանական կառոյցներ. նրանցից A/1-ը ունի մէկ ճակտոն՝ դէպի արեւմուտք նայող, եւ այստեղ է միակ մուտքը, որի բարաւորների վերեւի կիսաշրջանը զարդարուած է երկզող ութաթերթ խաչերով: «Պատուհանից ձախ կայ մեծ [ու] հարթ խորշ՝ շրջանակով, որը նախատեսուած է, հաւանաբար, արձանագրութեան համար, սակայն մնացել է չօգտագործուած»⁶: Դ. Ղիփշիճէի այս եզրակացութիւնը իր իսկ ծանօթագրմամբ հաստատուում է առաջինից 20-25 քայլ դէպի հարաւ գտնուող A/2 եկեղեցու (իմա՝ մատուռի) արձանագրութեան տեղադրութեան օրինակով: Այստեղ մեզ զբաղեցնողը հէնց այդ վիմագիրն է, ուստի բերենք Դ. Ղիփշիճէի նկարագրութիւնն ամբողջութեամբ. «Պատուհանից աջ՝ գետնից 2,25մ բաժրութեան վրայ, կիսաշրջան կեղծ պսակը (չուրջ 0,49մ երկայնքով) պահող, կեղծ սիւնով շրջանակուած (ուղղահայեաց գլխիկներով) 0,62x1,21x0,02մ կամ 0,03մ. հարթ խորշում գետեղուած է խոր փորուածք ունեցող երկաթագիր տառերով (գրերի միջին մեծութիւնը՝ լայնք 0,03,

բարձր՝ 0,05, խորք՝ 0,01մ) 14 տողանոց արձանագրութիւն: Վիմագիրը գրեթէ անընթեռնելի է. ճանաչելի են միայն առանձին տառեր ու վանկեր, որովհետեւ այն ծածկուած է խաւի եւ կարմրաւուն քարաքոսի հաստ շերտով»⁷:

Արձանագրութեան ընթերցման անդրանիկ փորձ հրապարակել է Կ. Բասմաճեանը. մինչեւ 5-րդ տողը ներառեալ շարադրանքը բանաձեւային է եւ բովանդակութիւնը՝ յստակ: 6-րդ տողում իմաստակիր են ՈՐԴԻ եւ ԿԵՆԱՅԿԻՑ բառերը, սակայն հասկանալի չէ նրանց յարաբերակցութիւնը: 7-րդ տողը սոսկ տառաշարք է բացառութեամբ յաջորդ տողի սկզբի հետ բառային միաւոր կազմող ՍՍԱՅԱՔ դիմաւոր բայի: 8-9-րդ տողերը լիարժէք են ՄԵՐ ՀԱԼԱԼ ԱՐԴԵԱՄԲ ՁԵԿԵՂԵՑԻՍ: Շարունակութեան 10-14-րդ տողերում անվերապահելի երկու բառ կայ՝ ՔԱՂԱՔ եւ թուականով պատուիրողի կամ գրչի անուն՝ ՉԻ ՍԱՐ(գիս)⁸:

Ինչպէս երեւում է, ընթերցումը կատարուած է՝ առանց ժայռի վրայ գոյացած քարաքոսը մաքրելու, ուստի արձանագրութեան շինարարական բովանդակութիւնը կռահելի է, իսկ մանրամասնութիւնները՝ ձեռնարկողների ինքնութիւնը, նպատակադրումը, տեղանքի անուանումը եւ կառուցման ստոյգ թուականը՝ ոչ:

Արձանագրութեան ընթերցման աւելի յաջողուած փորձ գտնում ենք Յ. Օրբելու կազմած եւ Ս. Բարխուդարեանի խմբագրած Անի քաղաքի վիմագրերի դիւանում⁹: Դատելով լուսանկարից (տախտ. XXV)՝ վերծանութիւնից առաջ բաւական յաջողութեամբ խորշը մաքրել են հետագայ գոյացութիւններից, եւ Կ. Բասմաճեանի հրատարակութեան մէջ անհասկանալի ոչ քիչ տառաշարքեր դարձել են իմաստակիր: Քարի ջարդուածքների եւ մասնակի հողմնայարուածութեան պատճառով անվերծանելի են մնացել վիմագիր 10-12-րդ տողե-

րը: «Դիւանում» այն ներկայացուած է, բացի լուսանկարից, նաեւ գրչանկարով եւ ունի հետեւեալ ընթերցումը. «Կամաւ Ա(ստուծոյ) պարոմութեան աթապալկ ամիրուպասալար Օսահիւշահի/ Ես Քորգի, կեանակից / իմ Սթէւս կատաւր/ե>ցաք մեր հալալ արդ /եանց> գէկեղեցիս... Ախէլքաղաք/> իս... թուիւ>2Ի: Սարգ<իս>»:

Այժմ վստահաբար կարելի է ասել, թէ արձանագրութիւնը շինարարական է եւ այն նպաստաւորել են Քորգին ու նրա կողակից Սթէւս (resp. Սիթի-ն), իսկ կառուցումը տեղի է ունեցել ոչ թէ ՉԻ-1271 թ., ինչպէս Կ. Բասմաճեանի վերծանութեան մէջ է, այլ ՉԻ թուականին (=1291 թ.):

Արձանագրութիւնը շարադրական նախնականութեան հասցնելու համար կարելի է մի քանի մասնաւոր լրացումներ կատարել: Այսպէս, «պարոնութեան աթապալկ ամիրսպասալար Շահինշահի» դրուագը, անշուշտ, պիտի սկսուէր «ի» նախդիրով, այսինքն՝ Շահինշահի պարոնութեան ժամանակ կամ Շահինշահի պարոնութեան (իշխանութեան) տարածքում: Այդ նոյն «ի» նախդիրը, իբրեւ բացառական հոլովի ցուցիչ, պիտի որ ներկայ լինէր «...մեր հալալ արդեանց» հատուածի սկզբում: «Սթէ» անձնանունը Ստենի/Սիթի տարբերակներով յայտնի է Անիի այլ արձանագրութիւններից եւս, ուստի նրա «Սթէէս» ընթերցումը սրբագրելի է «Սթէս»¹⁰: Կարելի է մօտաւոր վերականգնումներ առաջարկել եւ յաջորդող տողերում, ուր ենթադրելի է, որ յիշատակի ու բարեխօսութեան խօսքեր պիտի լինէին: Կարեւորը, սակայն, նախա-վերջին տողում յստակօրէն կարդացուող ԱՆԷԼՔԱՂԱՔ տեղանունն ու նոյնքան անվերապահ ՉԻ թուականն են:

«Դիւան» հրատարակութիւնը, հասկանալի է, մեկնաբանութիւններ չունի, եւ միայն տեղանունների ցանկից կարելի է վստահանալ, որ ԱՆԷԼՔԱՂԱՔ-ը տեղանուն է ընկալուած¹¹: Վերեւում արդէն ա-

սացինք, որ Ն. Տոկարսկին Իգաձորի յիշեալ երկու կառոյցները դամբարան է համարում չմերժելով նրանց՝ խաչահիմք եկեղեցու ձև ու առագ խորան ունենալը: Սակայն Ն. Տոկարսկու առաջադրած դրոյթները առաւել ինքնատիպը Իգաձորի այս կառոյցների երեւան գալու ժամանակագրութեանն է վերաբերում. նա համարում է դրանք Աղցում պահպանուած Արշակունեաց ստորագետնայ դամբարանին եւ որոշ ընդհանրութիւնների հիմամբ եզրակացնում, որ Իգաձորի մատուռ-դամբարանները եւս IV-V դարերի դամբարաններ են՝ թերեւս, նոր ժամանակներում (իմա XIII-XIV դդ.) յարմարեցուած վերգետնայ Անիի ճարտարապետական ու յարդարանքի ձեւերին¹²: Այս պարագայում արծարծուող արձանագրութեան հաղորդումները նրան չեն կաշկանդում, որովհետեւ նախնական հրապարակման մէջ նա այդ վիճակը Դ. Ղիփշիճէի հետեւողութեամբ համարում է անընթեռնելի¹³, իսկ Յ. Օրբելու կազմած «Դիւանում» եղած հրապարակմանը Ստ. Մնացականեանի թարգմանութեամբ ծանօթանալուց յետոյ, Ս. Երեմեանից ստացած տեղեկութեան հիման վրայ, արձանագրութեան Անիէ-ՔԱՂԱՔ-ը նոյնացնում է XI դարում Զաւախքում գոյացած Ախալքալաքին եւ եկեղեցու կառուցումը վերագրում այս բնակավայրին¹⁴: Սակայն արձանագրութեան հետ կապուած պարագաները բնութայնաբար եզրակացութեան հիմք չեն տալիս:

1) Ամիրսպասալարի պարունութեան փաստը կարող էր յիշուել այն դէպքում, եթէ կառուցումը կատարուած էր նրա օրօք կամ նրա տիրոյթում: Ոչ մի հիմք չունենք պնդելու, թէ Զաւախքը XIII դարի վերջերին պատկանում էր Զաքարեան իշխանական ընտանիքի ժառանգներին: Քարայրի արձանագրութեան յիշատակած Շահինշահը Իւանէ Բ-ի որդին է, որ մահացել է 1320 թուականին¹⁵: Իգաձորի արձանագրութեան փորագրումից (1291 թ.) շատ առաջ

Զաւախքի Ախալքալաքը պատկանում էր էրիսթաւ Կախա Թորելու ընտանիքին¹⁶:

2) Ծիշտ եւ ճիշտ A/2 եկեղեցու մուտքի մօտ արձանագրութեան խորշին նման հարթեցուած խորշ կայ նաեւ A/1 մատուռի արեւմտեան պատին, Դ. Ղիփշիճէի համոզմամբ՝ դարձեալ վիճակի համար նախատեսուած: Վերջինիս համաժամանակեայ լինելը հաստատուած է կեղծ սիւների, պսակի եւ յարդարանքի նոյնականութեամբ¹⁷: Ուրեմն վիճակի տեղեկատուութիւնը վերաբերում է այն կառոյցին, որի վրայ փորագրուած է:

3) Վիճակում բանաձեւային ճշգրտութեամբ ասուած է, որ Քորգին ու նրա կենակից Սթին «կատարեցաք [ի] մեր հալալ արդեանց Ձեկեղեցիս...»: Եթէ խօսքը վերաբերէր այլուր գտնուող եկեղեցուն ցուցական դերանուան (ս/այս) վերականգնումն աւելորդ էր (սպասելի էր զեկեղեցիս) եւ ապա՝ այդ բառին պիտի յաջորդէր տեղանքի անունը, մինչդեռ վիճակում «եկեղեցի» եւ «Ախալքալաք» հասկացութիւնները իրարից բաժանուած են երեք տողով: Այդ տողերի բովանդակութիւնն անծանօթ է, սակայն վստահաբար Զաւախքի Ախալքալաքին չի վերաբերում:

4) Հայկական միջնադարեան շինարարական արձանագրութիւնների պատկառելի քանակութիւնից տողերիս հեղինակին անծանօթ են դէպքեր, երբ եկեղեցու մուտքի մօտ, յատկապէս՝ վիճակի համար հարթեցուած խորշում խօսուի բոլորովին այլ տարածքում կատարուած շինարարութեան մասին, երբ նոյնիսկ չգիտենք, թէ իրենց «հալալ արդեանց» յատկացնողները որեւէ առնչութիւն ունե՞ն ուրիշին պատկանող այդ հեռաւոր բնակավայրի հետ: Մինչեւ օրս հայագիտութեանը ծանօթ աղբիւրներից միայն Տիգրան Հոնենցի 1215 թ. ծաւալուն արձանագրութեան ՅԸՆԴՈՅ ընթերցումը կարող էր մտածել տալ, թէ անցի մեծատունները կարող էին հողեր կամ տիրոյթներ ունենալ Զաւախքում, եթէ յիշեալ տեղանուանը վերականգնենք ՅՈՒՆԴԱՅ եւ այն նոյնացնենք Թմուկի դիմաց գտնուող Մունդայի հետ («Դիւան»-ի ցանկում ՅԸՆԴՈՅ է): Սակայն նման ենթադրութիւնը անտեղի է, քանի որ արձանագրութեան բուն տեքստում գրուած է ՈՒՆԸՆԴՈՅ (Ունընդոյ Բ դանգն)¹⁸:

Այսպիսով, մնում է եզրակացնել, թէ արձանագրութիւնը վերաբերում է այն կառոյցին, որի պատին փորագրուած է, ընդամին՝ վիճակի կառոյցը շինողներին ու նրանց ժամանակակիցներին ներկայացել է որպէս եկեղեցի, ինչպէս նրան կոչել են վիճակում: Այս պարագային ինքնին հարց է առաջանում ի՞նչ է նշանակում կամ ո՞ր է գտնուում վիճակում յիշատակուող Անիէ-ՔԱՂԱՔ-ը: Կարծում ենք՝ այդ անունն է կրել Անին բնակեցուած քարայրերով շրջապատող ձորերի կամ գոնէ նրանցից մէկի՝ Իգաձորի թաղամասը: Ընդ որում, կիսով չափ վրացերէն (ախէլ<ախալ<ախալ-ի, հմմտ. խէլ<խայլ<խալ) այդ անունը (նոր+քաղաք) կարող էր գոյանալ XII դարից ոչ շուտ, երբ Անին տիրանալու համար բնակիչները նախընտրեցին վրաց Բագրատունիներին հրաւիրել, իսկ աւելի ստոյգ՝ այդ դարի վերջին՝ Զաքարեանների ձեռքով ազատագրելուց եւ իշխանական այդ տան տիրոյթ դառնալուց յետոյ: Անիի ուղեցոյցը կազմող Յ. Օրբելին քաղաքի կառուցուածքը ներկայացնելիս ասում է. «Անին նկարագրելիս, իհարկէ, անհրաժեշտ էր հետեւել քաղաքի պատմական բաժանումին՝ Միջնաբերդ, Հին քաղաք եւ Նոր քաղաք»¹⁹:

Ծիշտ այս «Նոր քաղաք» ներկայացնող թաղամասն է, որ վիրացական տիրութեան քաղաքական շրջանակ ընդգրկման շուրջ մէկ հարիւրամեակի ընթացքում, սկսել է մասամբ թարգմանաբար «Ախալքալաք» յորջորջուել: Բիւզանդական տիրապետութեան շրջանում Անին, յիշուելով, բաղ-

կացած է եղել երեք հիմնական թաղամասերից, որոնց վարչութիւնն ստանձնել են Բագրատ Մագիստրոսի արձանագրութեան յիշատակած երեք անձինք²⁰: Նոր քաղաքը ներկայացնելիս Յ. Օրբելին մասնաւորեցնում է, թէ «Նոր քաղաքի կազմի մէջ մտնում են նաեւ Մաղկոցաձորի քարայրային բնակարանները», իսկ Իգաձորը յարում է նրան ու լուծուած նրա մէջ. «Մաղկոցաձորից Իգաձոր ելնող ճանապարհով, շարունակուած է Յ. Օրբելին, կարելի է քաղաք բարձրանալ՝ դէպի Իգաձորեան դարպասներ: Ըստ որում, ճախ ձեռքի կողմ կը մնան երկու քարանձաւային եկեղեցի, որոնցից մէկը արձանագրութիւն ունի. եկեղեցիների ներսում հետաքրքիր են պատերի մէջ փորուած կնքաւագանները՝ նախատեսուած հասուն մարդու համար»²¹:

Այստեղ էլ խօսքը Նոր քաղաքի (Ախալքալաք) մեզ զբաղեցնող եկեղեցիների մասին է, որոնք, նոյն գիտնականի կարծիքով, «սպասարկել են, հաւանաբար, քարայրերում ապրող բնակչութեանը, թէեւ այդ եկեղեցիներից մի քանիսը առնչութիւն են ունեցել գերեզմանոցներին»²²: Վերջին պարագան կապուած է, ինչպէս Ն. Տոկարսկին է հիմնաւորում, այնտեղ կատարուած թաղումների հետ, մասնաւորապէս որ «հասուն տարիքի մարդու» կնքաւագան կոչուածը քարէ կափարիչով ծածկուելու համար պատից դուրս թողած յենարան է ունեցել: Այսպէս, ուրեմն, վիճակում եկեղեցի կոչուածը միաժամանակ եւ դամբարան է ծառայել: Հայոց ազգային եկեղեցին բուն ազգութեան թաղում կատարելու սովորութիւն չունի, ուստի մնում է ենթադրել, թէ պաշտամունքային կառոյցը գերեզմանատան մատուռ է: Իսկ որ Անիի քարայրային դամբարաններում մատուռներ կային, յայտնի է թէկուզ վստահաբար միաբնակ եկեղեցու հետեւորդ Տիգրան Հոնենցի դամբարանի օրինակով²³:

Հայերէն շինարարական արձանագրութիւն ունեցող վիմափոր եկեղեցին (թերեւս, նաեւ՝ նրա կողքին գտնուող եւ արձանագրութեան համար հարթած խորշ ունեցող աղոթարանը), կառուցուած է 1291 թուականին, իսկ թէ մինչեւ այդ քարայր եղել է թէ ոչ, կամ եթէ եղել է իբրեւ ինչ է ծառայել, մեր պարագայում անկարելի է ստոյգ որոշել: Ինչ վերաբերում է Ն. Տոկարսկու տեսութեանը, թէ նրանք գրեթէ ժամանակակից պիտի լինեն Աղցի դամբարանին, արձանագրութեան վերծանութեամբ չի հաստատուում: Մենք հիմնաւոր ապացոյցներ չենք գտնում վերանայելու Ն. Մառի եւ Յ. Օրբելու այն համոզմունքը, թէ «Այդ քարայրերը, անկասկած, արհեստական ծագում ունեն եւ բնակարան են ծառայել Անիի առաւել աղքատ դասակարգի բնակչութեան համար եւ իրենց ներկայ տեսքով ամենեւին չեն ներկայացնում նախնադարեան կացարանների մնացորդներ, ինչպէս այդ ենթադրուում էր, այդ քարայրերում ապրում են եւ այժմ»²⁴:

Առաւել վիճարկելի է Արմէն Զարեանի այն դրոյթը, թէ Անին ի սկզբանէ ծրագրուել է իբրեւ ստորգետնեայ բազիլիկացուցիչ ունեցող քաղաք²⁵:

Սակայն այս խնդիրը մասնագիտական այլ քննութիւն է պահանջում:

ԾԱՆՕԹԱԳՐՈՒԹԻՒՆՆԵՐ

1. Դ. Ա. Կիպիւձէ. *Пещеры Ани*. (Материалы XIV Анийской археологической кампании 1915 года). Обработка материалов, чертежи, предисловие и комментарии Н. М. Токарского, Ереван, 1972, стр. 17.
 2. Ա.Ա., էջ 166, 171:
 3. Ա.Ա., էջ 19:
 4. Ա.Ա., էջ 121-126:
 5. Ա.Ա., էջ 122: Հմմտ. Ի. Ա. Օրբելի. *Краткий путеводитель по городище Ани*, СПб, 1910.
 6. Ա.Ա., էջ 123:
 7. Դ. Ա. Կիպիւձէ, նշ. աշխ., էջ 124:
 8. Կ. Ե. Բասմաճյան, *Le inscriptions arméniennes d'Ani*.-«Revue de l'Orient chrétien». 3e série, t. III (XXIII), 1922-1923, p. 340-341.

9. Դիւան հայ վիմագրութեան, պրակ I, Անի քաղաք, կազմեց Յ. Ա. Օրբելի, Երեւան, 1966, էջ 67-68 (N209), Ն. Տոկարսկի վիմագրի տեքստը ժամանակին փնտրել է Յ. Օրբելու կամ Դ. Ղիփ-շիճէի հաւաքած նիւթերի մէջ եւ չի գտել (տե՛ս Կ. Ե. Կոպարսկի, *Из истории пещерного строительства в Ани*.- «Историко-филологический журнал», 1966, N 1, стр. 125-138): Դիւանի աղիւսակները տպագրուել են 1924 թ., եւ նրանցում յիշեալ վիմագիրը ներկայացուած է:
 10. Մթե/Սիթի անուան հոլովման առանձնապատկութեան մասին տե՛ս Կ. Ե. Մարք. *От редактора*, [Վիմական տարեգիր, կազմեց Կ. Կոստանեանց, Ս. Պետերբուրգ, 1919, էջ XIII-XIV]. Ս. Ա. Աւագեան, *Ի յանգող անձնանունների սեռական, տրական հոլովների կազմությանը Ժ-ԺԳ դարերի վիմական արձանագրություններում*, «Մառը եւ հայագիտութեան հարցերը», Երեւան, 1968, էջ 156-160:
 11. Ցանկը կազմողը, բնականաբար, Յ. Օրբելին չէ:
 12. Մանրամասնութիւնները տե՛ս Կ. Ե. Մարքսկի, նշ. աշխ., էջ 135-138:
 13. Ա.Ա., էջ 137:
 14. Դ. Ա. Կիպիւձէ. *Пещеры Ани*, стр. 179-180.
 15. Տե՛ս Պարոյր Մուրադեան, *Հայաստանի վրացերէն արձանագրությունները*, Երեւան, 1977, էջ 178, 182:
 16. *Վրաց ժամանակագրութիւն* (1207-1318), թարգմանութիւնը հին վրացերէնից, առաջաբանը եւ ծանօթագրութիւնները Պարոյր Մուրադեանի, Երեւան, 1971, էջ 111:
 17. Դ. Ա. Կիպիւձէ, նշ. աշխ., էջ 122-123:
 18. Տե՛ս Ս. Մ. Մուրադեան, *Проблема конфессиональной ориентации церкви Онеца*.- «Кавказ и Византия», вып. 5, Ереван, 1987, стр. 42 и 43: ՈՒՆԸՆԴՈՅ-ի ուղղական հոլովածները ՈՒՆՈՒՆԴՈՅ-ն է:
 19. Ի. Ա. Օրբելի. *Избранные труды*, Ереван, 1963, стр. 105.
 20. Այդ արձանագրութեան կապակցութեամբ հանգամանալի քննութիւն տե՛ս Բ. Բ. Բենешեւիչ, *Три анийские надписи XI века из эпохи византийского владычества*, Петербург, 1921, стр. 21-28, նաեւ Ս. Ա. Աւագեան, *Վիմագրական պրպտումներ*, Երեւան, 1986, էջ 26-45, հմմտ. Պ. Մուրադեան, *Բնագրագիտական դիտարկումներ*, ՊԲՀ, 1994, թիւ 1-2, էջ 176-182:
 21. Ի. Ա. Օրբելի, նշ. աշխ., էջ 114:
 22. Ա.Ա., էջ 123:
 23. Ա.Ա.:
 24. Տե՛ս Ս. Մ. Մուրադեան, *Проблема...*, стр. 45.
 25. Ա.Ա., էջ 123:

ՆՈՒՒՐԱՏՈՒԱԿԱՆ ՅՕԴՈՒԱԾՆԵՐԸ ԿԱՆՈՆԱԿԱՆ ՈՐՈՇՈՒՄՆԵՐՈՒՄ ԵՒ ԴԱՏԱՍՏԱՆԱԳՐՔԵՐՈՒՄ

Լեւոն Սարգսեան

Ա. Նուիրատուական յօդուածներ

Միջնադարեան Հայաստանի գրաւոր աղբիւրներում, յատկապէս եկեղեցական ժողովների որոշումներում, կան բազմաթիւ յօդուածներ, որոնք աղբիւրում են նուիրատուութեան հարցերին: Վաղ միջնադարում դրանց յատուկ անդադարձել է դեռեւս կաթողիկոս Սահակ Պարթեւը (387-439):

Հայոց եկեղեցին իր հիերարխիկ աստիճանակարգով ունէր առաւել կենտրոնաձիգ եւ համապարփակ իշխանութիւն: Բարձրագոյն գահաւորակին բազմած հայրապետին ենթակայ էին բոլոր հոգեւոր իշխանաւորները, որոնք ամենատարբեր պատուակներով երբեմն ունենում էին սուր վէճեր եւ բախումներ: Կենտրոնախոյս նկրտումներ ունեցող բարձրաստիճան բոլոր հոգեւորականներին վեհափառն իրաւունք ունէր նզովելուց բացի պատժի ենթարկել, կարգալոյծ անել, ինչպէս նաեւ աքսորել: Մեզ հետաքրքրող ժամանակաշրջանում անհնազանդութեան երեւոյթներ հանդէս եկան յատկապէս Սիւնիքում, Արցախում եւ այլուր: Բարձրաստիճան հոգեւորականութեան (Յակոբ Ապստամբ, Խոսրով Անձեւացի եւ այլք) ընդվզումները կաթողիկոսարանի դէմ առաւել յաճախ տեղի էին ունենում գաղափարաբանական, ինչպէս նաեւ տնտեսական հողի վրայ: Այդ իսկ պատճառով եկեղեցու աւանդապահ հայրերը հռչակեցին օրէնքներ եւ կանոններ, որոնք քաղաքացիութեան լայն ճանաչում ստացան դեռեւս վաղ աւատատիրութեան դարաշրջանում: Սահակ Պարթեւի օրօք եկեղեցական թեմերի մէջ առաջացան անհամաձայնութիւններ եկեղեցիների ու

վանքերի կարգավիճակի եւ տասանորդ հարկի առնչութեամբ: Սահակն այդ հարցերը լուծելու համար գրում է օրէնքի աստիճանի բարձրացուած կանոններ, որոնցից է մեզ հետաքրքրող, ստորեւ բերուող ՇԾԵ (ՇԾԱ, ԼԶ) կանոնում կարգուած ենք.

«Քանզի բազումք կարծեցին տգիտութեամբ այլ զոմն եկեղեցի ասել եւ այլ զոմն վանս, եւ տխմար բանիւք իւրեանց կամեցան կռիւս եւ հերձուածս ի մի միաբանութիւն հաւատոց եւ մոռացան զպատուիրանին բանն որ ասէ. «Մի է Տէր, մի՛ հաւատք եւ մի՛ մկրտութիւն...»¹: Սահակի կանոններով սահմանուած են (յօդուած ԽԳ), թէ նուիրատուութեան որ մասն ում է հասնում²:

Հենուելով աստուածաշնչային դրոյթների վրայ, նկատի ունենալով Հայ եկեղեցու շահերը, Սահակ Պարթեւը աշխարհիկ մեծահարուստ հաւատացեալներին խորհուրդ է տալիս մասնաբաժին տալ եկեղեցու հայրերին՝ վկայակոչելով Ելից գրքի 23-րդ հատուածը, ուր ասուած է. «Դատարկածեռն ամենեւին մի երեւեսցիս առաջի իմ»³: «Գանձեցէք ձեզ գանձս յերկիրս, ուր ոչ ցեց եւ ոչ ուտիճ ապականեն եւ ոչ գողք ական հատանեն եւ գողանան»⁴:

Ընդամին կաթողիկոսը զգուշացնում էր, որ տասանորդը պէտք է տարբերել ընծայաբերումից⁵: Այս կապակցութեամբ նա բարձր էր գնահատում գաւառական եպիսկոպոսների քորեպիսկոպոսների դերը, ուստի գտնում էր, որ նուիրատուութիւնները չի կարելի բաժանել կամ օտարել առանց գաւառի եպիսկոպոսի գիտութեան, — կարգում ենք Շահապիւլանի ժողովի կանոնական որոշումներում⁶: Նուիրատուական ե-